

明  
詩  
紀  
事

明詩紀事

貫陽陳 田嶺

庚錄

成基命 一首

基命字靖之後避宣宗諱以字行大名人萬厯丁未  
進士選庶吉士授編修厯洗馬少詹事遷禮部侍郎  
兼太子賓客改掌南翰林院事以忤魏忠賢落職開  
住崇禎初起吏部侍郎拜禮部尙書兼東閣大學士  
參預機務加太子太保進文淵閣大學士贈少保諡  
文穆有雲石堂集

冬至朝天宮習儀

內仗宵移做碧壇  
嗚呼聲肅晚生寒  
灰蘆應律欽周政  
綿蕞成儀習漢官  
煙擬御爐香裊裊  
響移宮漏珮珊珊  
近臣未識天顏喜  
極目彤雲捧露盤

韓日纘 一首

日纘字緒仲博羅人萬厯丁未進士改庶吉士累官南禮部尙書諡文恪

雪中過東林寺

橋下溪聲急微茫亂遠鐘  
半山雲壓寺深院  
雪欹松澗落何年瀑煙藏  
幾處峯靈山緣未了他日許相從

何南金 二首

南金字許卿泰興人萬厯丁未進士除莆田知縣有

悲華館十笏齋集

楊廷撰一經堂詩話許卿五律工於起勢如山中晚  
步云忽覺一林寂幽巖鳥定初秋夜獨坐云落月一  
聲笛蕭然秋思生西湖泛舟至南屏云亂水疑無地  
湖南忽有峯

望湖亭獨酌晚歸

千山萬山落日低  
渚禽恰恰衝人颺  
菰蘆葉暗煙漲浦  
楊柳風來浪拍隄  
上方僧定塔鈴起  
遠港月照漁燈稀  
習家池頭更何似  
枉殺山翁醉似泥

秀州道中

落日湖田浪平湖  
頭人歌採菱朝來欲作風雨  
一片菰蘆水腥

鄒維璉三首

維垣字匪石瑞州新昌人萬厯丁未進士除延平推官徵授南兵部主事改北厯員外郎中改吏部以劾魏忠賢被論削籍下吏謫戍施州崇禎初起南通政參議就遷太僕少卿擢右僉都御史巡撫福建以忤溫體仁罷官召拜兵部侍郎遭疾不赴有願學編宦遊草友白草友歐草導噫草

田拔匪石劾忠賢疏與楊大洪同時上大洪杖死匪石傳謫戍思州衛幸矣崇禎時起撫福建不究其用時論惜之

雪後富陽舟中別戴章甫之會稽兼致其兄立趾

逢君君又別把酒暫爲歡小陸才如此元方弟未難探奇過禹穴弔古憶秦觀寄語山陰客扁舟興已闌

待御朱密所先生見招賦贈

卧病山中白髮新  
當年諫草獨批鱗  
都門舊識花驄吏  
聖主能寬骨鯁臣  
勝日東泉遊屐遠  
丹衷北闕夢魂親  
拂衣未許成長往  
幾度徵書起釣綸

塞下曲

日落孤城暮角哀  
寒衣未授朔風催  
那堪隴水聲幽咽  
流向征人枕上來

潘潤民一首

潤民字用霖  
貴州前衛人  
萬歷丁未進士  
改庶吉士  
授禮部主事  
歷員外郎  
中出爲廣東副使  
歷四川河南參政  
廣東按察使  
雲南布政使  
病歸起雲南副使

就選布政使有味澹軒詩集

黔詩紀畧明陵有味澹軒詩明陵于馴嘯孫德徵曾孫奕快立孫文芮文苞來孫曠曠孫以激以溶仍孫桐得傳七世十二人皆有集藏於家田按吾黔以風雅世其家者首推潘氏余輯續黔詩紀畧七世十二人詩集皆得錄之

雜詩

吟罷倚修竹  
醉餘盤古藤  
補巢妨墮鳥  
解網縱飛蠅  
靜室發孤磬  
晚窗明一燈  
諸緣俱淡盡  
擬作在家僧

周泰峙一首

泰峙字孟巖  
金壇人  
萬歷丁未進士  
累官雲南布政使

遊碧玉巖

碧巖春氣煦曳杖愛閒行酒面風吹醒詩腸澗洗清野麋同  
適性山鳥自呼名爲赴僧房約幽雲出洞迎

徐鳳翔 一首

鳳翔字君羽江南人萬厯丁未進士除閩縣知縣擢  
戶部主事

寄俞仲茅

對酒忽不慙思君意若何鄉愁因雨積詩夢入秋多何日辭  
圭組終年隱薜蘿青溪垂釣侶好爲製漁蓑

趙岫 一首

岫字子函一字屏國整屋人萬厯己酉舉人

列朝詩集子函家有傲山樓藏書萬卷所居近周秦  
漢唐故都古金石名書多在焉西安知宮碑林爲最



時跨一蹇挂偏提搦工鐫楮墨以從每遇片石隻字  
坐卧其下親爲拭洗推榻裝潢復爲疏記其後援據  
考證畧仿歐陽公趙明誠洪丞相三家名目石墨鐫  
華自謂窮三十年之力多都立徵楊川修所未見也  
遊終南九嶷城南作訪古遊記三篇三輔五陵長楊  
下杜遺文故事厯厯如指掌

### 莊河村主人

落日牛羊嶺上村誰開三徑召王孫山容似黛斜侵檻水字  
如巴曲到門野客行藏無揖讓田家賓主有盤樽欲將谷口  
煙霞色並向桃源洞裏論

### 賈必選一首

必選字徙南一字直生江甯人萬厯己酉舉人除戶  
部主事遷員外謫九江經歷遷桂林推官入爲南工  
部員外遷郎中

方山宿定林寺

緩步尋詩去山光入定林竹煙生澗細松月到門深暫憩高  
僧榻聊抽隱士簪夜涼鐘磬寂猿鶴助高吟

張愼言

二首

愼言字金銘陽城人萬厯庚戌進士除壽張知縣改  
曹縣徵授御史以劾馮銓銓瀕曹欽程論劾誣盜庫  
銀編戍肅州崇禎初起故官厯太僕少卿太常卿遷  
刑部侍郎以事落職召拜工部侍郎遷南戶部尙書  
就改吏部掌右都御史事福王卽位命理部事加大  
子太保致仕流寓蕪湖宣城間國亡後疽發於背戒  
勿藥卒有泊水齋集

靜志居詩話尚書雖愿崇階傾心下風雅之士聞詩  
人陳昂拙履布封卒窮以死語所知曰自今入市門  
見賣茶傭皆宜物色之恐有如白雲先生其人者鳴  
呼今人論撰述率先揆其仕路之通塞以定文字之  
佳惡取舍出茲分焉江河日下安得聞此長者之言  
白眉昌容安齊蘇談藐山之園曰泊水余一日同沁  
澗賁聞二楊公在藐山座請泊義藐山曰未閱水經  
乎余曰正以水經為疑耳水經沁水一名泊水公園  
倚沁濱以泊命名恐誤藐山曰吾止知為泊不知泊  
也因顧二公二公皆以泊為是余疑二公所讀同出  
一本詢之果皆彭德趙耶本非南本余曰泊取及意  
又潤也泊則水之止而動者三公皆誤矣呼取南  
本正之皆作泊後賁問更其里為泊而藐山迄不能  
改長公坦之序其詩又曲為之辭何若易以泊字為  
典

田按沁水源出涅縣今考戴趙譜枝水經注沁水卽  
涅水也不從泊與泊較為有據

### 秋杪有懷沁湄

園廬相望水縈迴  
歸思紛紛未易裁  
得句偶先分韻往  
聽松

每約過溪來抗言在昔夷將惠屋手於今王與裴細雨雙鴻  
秋寂寂懷人千里有孤臺

田康字將禮南海兼盡東南之美

羨君仙舸漾輕霞君到江南正落花花霧撩人春欲醉江煙  
迷岫日將斜竹枝渡水驚新響白芷隨風憶浣紗更向六朝  
芳草路莫愁湖外問誰家

楊嗣昌 一首

嗣昌字文弱武陵人尙書鶴子萬厯庚戌進士除杭  
州教授遷南國子博士累進戶部郎中引疾歸崇禎  
初起河南副使進參政移霸州再移山海關擢右僉  
都御史巡撫永平山海諸處拜兵部侍郎總督宣大

山西軍務以憂歸起兵部尙書改禮部兼東閣大學士入參機務兼掌兵部事特旨督師加太子少保太子少傅師屢敗不食卒於軍追進太子太傅有地官集

田按武陵閣於用人勇於任事拮据行間以死亦可哀也詩頗染竟陵流派

### 三石澗

選勝就三石周遭眾木參中仍瀉寒澗名久蝕精藍伏谷虎晨去隔沙漁夜談霜林與霞壁視取夕陽酣

### 文翔鳳

一首

翔鳳字天瑞西安三水人萬歷庚戌進士除萊陽知縣改伊陽洛陽遷南禮部主事改吏部歷員外郎中

出爲山西副使遷光祿少卿有南極篇皇極篇東極

篇等集

列朝詩集天瑞詩離奇寡兀不經繩削馳騁其才力可與唐之劉叉馬異角奇關險靜志居詩話學有異端詩亦有異端文太青王季重是已

暮入登州

遶山微剩驚近島湄留青海若收城市蛟人掩戶庭宿雲如待曙歸夕解藏靈日母東巡至余將攝太甯

王象春

三首

象春字季木濟南新城人萬歷庚戌進士除上林苑典簿遷南大理評事歷工部員外改兵部再改吏部進郎中有問山亭詩五卷濟南百詠一卷

列朝詩集季木於詩文傲睨輩流無所推遜獨心折  
於文天瑞季木尤以詩自負才氣奔軼時有齊氣抑  
揚墜抗未中聲律余嘗戲論之天瑞如魔坡句具諸  
天相能與帝釋戰鬪遇佛出世不免愁宮殿震壞季  
木則如西域波羅門教邪師外道自有門庭終難飯  
依正法

### 書項王廟壁

三章既沛秦川雨入關又縱阿房炬漢王真龍項王虎玉玦  
三提王不語鼎上杯羹棄翁姥項王真龍漢王鼠垓下美人  
泣楚歌定陶美人泣楚舞真龍亦鼠虎亦鼠

靜志居詩話萬厯中年詩派雜出季木自閬門庭不  
循時習雖引關中文天瑞為同調然天瑞支離未免  
邪徑害田矣未若季木之無辰羣雅也題項王廟一  
篇比於謝參軍鴻門作更覺道鍊亡友潁川劉考功

公祇亟賞之幾於唾壺擊缺此非邪師外道之傳也

### 不落夾

慈甯宮裏佛龕瑤水珠燈照碧空四月虔供不落夾內官

### 催辦小油紅

劉若愚酌中志畧四月初八日進不落夾用葦葉方包糯米長可三四寸闊一寸味與粽同也

古夫于亭雜錄明故事四月八日浴佛日賜百官不落夾案萬曆中慈聖李太后宮中祀九蓮菩薩四月供不落夾先從祖季木考功詩云云蓋故事供佛後卽賜百官不始萬曆也

### 白雪樓

荒草深埋一代文蔡姬典盡舊羅裙可憐天半裁眉雪空自頽樓冷暮雲

居易錄李滄溟先生身後最爲寥落其寵姬蔡萬曆癸卯年七十餘矣在濟南西郊賣胡餅自給叔祖季



木考功見之爲賦詩云云滄冥清節可知矣

馬之駿二首

之駿字仲良新野人萬厯庚戌進士授戶部主事歷  
員外郎中降廣德州同知遷應天通判改順天復官  
戶部主事遷員外有妙遠堂集四十卷

列朝詩集仲良與兄時良並有時名而仲良尤爲秀  
發與鍾伯敬同時稱詩仲良持論欲極其才情之所  
之恣其意匠之所經營情景筆墨之所稱愜遠救鋪  
陳叫囂之病近離悽清寒苦之習不屑寄伯敬籬下  
伯敬以其非同調也亦推而遠之少年盛氣腸肥腦  
滿多詩酒酣暢之致解師友緣屈之功其最契合者  
吳門王留新安汪邈相與馳騁角逐往而不返以故  
時調狎出學古不純風格時患燕累波瀾未見老成  
天不假年未見其止良可惜也  
書影張紱居日明詩四變爲海內口實者七人秦齊  
吳豫各一楚獨居三然初變而李何再變而王李不  
失爲盛也變而公安竟陵晚矣吾豫當初變時一人

起而左右北地鏗金夏王至今踰厲詞壇王李樹檄  
公安矯枉豫獨不與不欲與也竟陵時新野馬仲良  
同伯敬起家庾茂進士自造新聲借吳門亦房唱和  
其詩抉鑠性靈鮮警秀異足以移易一世王馬之名  
宜與鍾譚並乃世唯口鍾譚不及二氏則爲仲良者  
不幸而詩不播於天下爲風氣所歸抑幸而不列變  
中反得免世詆訶耶  
靜志居詩話仲良才頗縱橫微嫌圭黍未合

### 宣和玉磬歌爲祠山道士作

瑤琨出水水寒颯昆吾刻作宣和字哀音射波龍子嘯如訴  
東京夢華事殿前袞衣方羽衣翠旂黼座丹碧輝靈素大言  
請羣后三山鸞鶴同雞飛此時宮懸俄一叩洞庭地窄鈞天  
漏胡塵馬湮捲地腥不上血斑上土繡玉質至脆石至堅物  
理堅脆爲壽年峻嶒良嶽盡奇石銷鋒飲鏃成飛煙古冰瑩  
然反長久似出宮姬配非偶垢衫皺腕强提攜憶著安妃玉

奴手蒼梧花鳥悲暮雲南枝兼失冬青墳空山猿哭斑狸卧  
時復一聲裂煙破

伏枕

伏枕梅簷過柳衙北湖又復負荷花門因謝客全無籍身欲  
稱僧尙有家七尺向揀同草木三生知久痼煙霞餘年儻遂  
幽棲志剩我清湍舊釣槎

王志堅

一首

志堅字弱生一字淑士崑山人萬厯庚戌進士授南  
兵部主事歷郎中遷貴州僉事不赴改湖廣有香巖  
室草

列朝詩集淑士讀書最爲有法先經而後史先史而  
後子集其讀經先箋疏而後辯論讀史先證據而後

發明讀子則謂唐以後無子當取說家之有裨經史者以補于家之不足讀集則定秦漢以後古文爲五編尤用意於唐宋諸家碑誌援據史傳摭採小說以參覈其事之同異文之純駁

### 河間道中雜興

朝來百騎盡如龍  
趙女齊兒一隊中  
席帽長衫渾不辨  
只教銀鐙露雙弓

### 區龍貞一首

龍貞字象先廣州順德人萬厯庚戌進士累官滇南道有滄浪洞集

### 曹署感事

中丞累詔援榆關節鉞長隨塞外頒南國十年輪稅盡北庭  
何日羽書聞荒城笳落秦時月絕島屯高海上山自聽秋風

鈴鐸響幾將封事過曹班

鄭之文 一首

之文字應尼南城人萬厯庚戌進士授南工部主事

厯郎中出爲真定知府有遠山堂錦硯齋集

列朝詩集應尼公車下第薄遊長干曲中馬湘蘭負盛名與王百穀諸人爲文字飲頗不禮應尼應尼與吳非熊輩作白練裙雜劇極爲譏調聚子弟唱演召湘蘭觀之湘蘭爲之微笑定襄傳司業清嚴訓士一旦召應尼跪東廂下出衞袖一編擲地數之曰舉子故當爲輕蛟蝶耶收以板楚久之乃遣去應尼舉進士傳公爲北祭酒介余往謝過公一笑而已應尼官太守免歸余作長歌寄之有日子弟猶歌白練裙行人尙醉湘蘭墓應尼亦次韻相答是後寂不相聞矣

金陵元夕篇

朱樓隱軫薄層霄綠水繁隄蕩畫橋十里香風吹紫陌一年

明月始今宵今宵無處無簫鼓佳麗名都較得數美酒留連  
拚十千少年歡笑惟三五三五年時二八游箇儂無賴逐風  
流香輪寶勒紛填巷翠竹紅燈擁上樓樓前九陌連三市中  
有侯家通戚里千蟬春星舞袖翻九枝夜閣歌鐘起歌舞惟  
應此夕陳魚龍百戲競爭新銀花絳樹開千丈佛火神燈照  
百輪花燈在處如人好半醉筵前看鮑老何客燈前到可遲  
何人花下歸能早花下燈前出畫裙衣香一路暗氤氲不知  
南陌人如月且道東門女似雲雲移月墮歡難歇虬水丁冬  
霜漸咽郎心尙逐紫騮嘶妾意先留烏舅舌歸去燒燈總不  
眠含情脈脈定相牽餘宵冷焰留紅燭明日芳塵拾翠鈿

陳玄藻 一首

玄藻字爾鑑莆田人萬厯庚戌進士授行人遷禮部  
主事歷江西廣東參政遷貴州布政使乞歸召拜禮  
部侍郎有頤吟集

露書陳爾鑑詩如魏國夫人不須脂粉而色笑婉麗

### 姚園客入燕留酌

涵江碧水靜娟娟宅在橋西得趣偏燕市悲歌纔一醉龍潭  
修禊已三年同袍與子秋初冷乙夜留人月正圓劇飲何須  
規厚祿冷曹亦剩俸餘錢

### 譚性教一首

性教字生伯萊蕪人萬厯庚戌進士累官陝西副使  
有黃雪山遺稿

千佛寺贈李山人

有客過擔簦高名是李膺  
獨籠雲外鶴來就海邊僧  
白社千日酒青山七尺藤  
知君多道興俠骨自峻嶒

吳伯敷一首

伯敷字同文一字季布宣城人萬厯壬子舉人

秋夜簡同社

蕭瑟西風吹徹裘小窗燈火獨夷猶  
殘砧草閣三更月細雨  
楓林一夜秋華髮漸看天地老  
青山不共古今愁中原舊盟  
多零落好與滄江狎野鷗



明詩紀事

貴陽陳田輯

庚籤

吳姓一首

甦字鹿友興化人萬厯癸丑進士除晉江知縣改濰  
縣徵授御史以忤魏忠賢削籍崇禎初起故官歷大  
理丞左通政擢右僉都御史巡撫山西乞歸起兵部  
左侍郎協理戎政進禮部尚書兼東閣大學士以命  
督師逗留遣戍金齒福王立赦還復官國變後卒於  
家有嘉遯堂集

潭村守巖

歎息餘生今尙存  
幽吟終歲閉柴門  
一年虛過惟殘夜  
萬事難酬是舊恩  
落落異鄉驚白髮  
幢幢短燄照青樽  
停杯未覺春風入  
愁向孤村說故園

李孫宸

二首

孫宸字伯襄  
香山人  
萬厯癸丑進士  
改庶吉士授編修  
歷中允庶子  
少詹事侍讀學士  
遷禮部侍郎進本部尚書  
贈太子太保謚文介  
有建霞樓集

政禎兩朝遺詩先生以優柔之韻抒穩順之詞純古淡泊蘊藉深美

舟過張曲江丞相墓

山下春江走濁流  
山邊丞相古墳留  
天然怪石供香火  
風遞仙韶到腹邱  
陵谷豈知人代改  
蘋蘩空薦粳江秋  
低徊此際

懷風度擬挾晴霞訪十洲

虎邱

西邱日落坐氤氲吳越山川掌上分  
弱氣已荒金虎迹江濤猶壯水犀軍  
離宮雨歇餘芳草別墅春殘起暮雲  
獨有生公臺畔石吳儂長日醉紅裙

方震孺

一首

震孺字孩未壽州人萬歷癸丑進士  
除沙縣知縣擢湖廣道御史巡按遼東  
被逮下獄擬大辟以皇子生暫免崇禎  
初得釋起廣西參議擢右僉都御史巡撫  
廣西有孩未先生集十六卷

小山嗣音先生忠義奮發出於肺肝既遭憂患彌耽  
禪悅故其詩沈摯瑩澈

田按天啟時被逮諸君子多下鎮撫而孩未獨下法  
 司諸君子皆以忤闕故禍尤烈孩未僅忤闕黨故禍  
 稍緩而猶得幸免也其詩多紀時事言之沈痛貫索  
 悲風吹白虹老臣嚼指濕遺忠紀楊大洪畢命之時  
 夜半嚼指血書一百二十七字付獄卒顏紫是夜白  
 虹貫索也獄裏盡根數不逢六賢連臂化長虹紀六  
 君子先後死鎮撫獄獄中產黃芝一本大如盤也青  
 麟落日王孫血白月橫空帝子魂紀流賊屠襄城也  
 斂斂九州難錯錯消癰羣盜正如毛紀楊嗣昌主撫  
 致流賊橫行也

獄中逢趙君金吾世茂

此地胡為聚相看一愴神深驚前路險更覺故人親拙計差

明主餘生厭小臣斛山精氣在儻許作比鄰金吾素人與斛山先生同里

葉燦一首

燦字以冲桐城人萬曆癸丑進士改庶吉士授編修  
 遷南國子司業歷中允庶子天啟末削籍崇禎初起

少詹事兼侍讀學士加禮部侍郎累遷南禮部尙書  
追諡文莊有天柱南中廡下讀書諸集

寄題朱太常園林

碣石滄江借不難千章萬个碧琅玕花間白墮青絲舫郊外  
藍輿紫鐸冠礙日樹交晴欲暝當窗瀑射晝長寒相逢莫怪  
如泥醉齋禁歸來禮數寬

白正蒙

三首

正蒙字爾亨南通州人萬曆癸丑進士除行人有大  
夢齋集吹劍篇燕中草征西草

田按爾亨詩意取凌厲但傷直遂而少涵蓄

山行雜詩

山水相趁逐辛苦不復論鐘聲出林莽古寺幽可捫重崖壓  
僧屋蔓草繁層軒宿雨寒松楸蒲煙散朝嗽涓涓澗底泉歷  
歷空階喧清冷懣心賞灑然忘塵煩

成都懷古

杜老迹大奇巖公骨自俠載酒日相過不冠時亦接登床未  
爲忤入幕情更愜感知有餘哀而乃云欲殺

送盧少齋司訓淮陰

一官仍吏隱疋馬出皇州落日送君去淮陰我舊遊有詩能  
弔古無事可尋幽俸薄饒沽酒高歌俯濁流

齊琦名一首

琦名字越石桐城人萬曆癸丑進士官紹興知府有

慕韓草

飲米仲詔古雲山房

積想湛園勝良宵快此尋蟾光淹暝色石氣散秋陰顛合三生具交從一往深不知朝市裏別自有雲林

方大鉉

一首

大鉉字君節桐城人萬歷癸丑進士官戶部主事有  
寒蘭館集聽峽齋草

泊牛渚

江上秋風夕蘆邊獨客舟雨檣棲斷港野火射寒流醜酒懷  
高詠宮袍憶舊遊夜深雲霧散日月滿滄洲

王應熊

二首

應熊字非熊巴人萬厯癸丑進士選庶吉士厯官詹  
事以憂歸崇禎初詔拜禮部侍郎進本部尙書兼東  
閣大學士參預機務以言官論乞休再詔忤旨許歸  
田福王立改兵部尙書兼文淵閣大學士總督川湖  
雲貴軍務戰敗遁入永甯山中卒於畢節衛有涵園  
集二十卷

田按應熊與周延儒溫體仁朋比相業不足言國變  
後歿於行間君子猶節取焉

書太暉觀道士卷二首

青牛道士去不反黃鶴仙人迹又陳獨坐花宮消浩劫等閒  
滄海已成塵

湘獻王圖畫不開秋風桂子落牆隈白頭老卒藏遺像龍種



當年事可哀

周京 三首

京字寤西沂州人萬歷癸丑進士官禮部主事有貴

園草吳越遊草金城集

田接寤西弔古之章頗饒興趣

叢臺弔古

高秋凌雉堞云是古叢臺宇宙一俯仰英雄俱草萊窺秦心  
未死分趙意何哀惆悵精靈歔西風四面來

鄴中

叢臺朝繫馬漳水夕停舟霸氣風煙盡河聲日夜流山雲時  
欲雨關樹易爲秋獨有前朝月依依鄴下樓

瑯琊塚

禾黍蕭蕭晉代宮  
尙餘高塚卧秋風  
新亭幾許神州淚  
盡入荒煙一望中

俞琬綸

一首

琬綸字君宜長洲人萬歷癸丑進士官衢州西安知縣有自娛集

感病桂

幽香發叢桂秋半以爲期  
今年節序早怪爾獨開遲  
遲遲不須較終然亦遲  
萎及此正開際折取戒童兒  
夜半風雨作每旦無晴隱  
繁花惜狼藉眾葉亦紛披  
此猶坎壈人憂患復干之  
植物尙如此人生安足悲

陳繼儒明詩選君宜少有才名成進士行宦越中未  
幾病歸卧疾南城書蘇泰如扇頭乃感桂病詩也墨  
妙精絕不幾時成長逝矣此蓋其詩識也

蔡文第 一首

文第字及甫新昌人萬歷乙卯舉人

對琴圖

琴絲欲斷清晝長闌干竹靜燃花光美人幽襟若秋水無限  
瀟波流入湘

羅賓王 四首

賓王字季作番禺人萬歷乙卯舉人官南昌同知有  
散木堂獄中草

靜志居詩話季作罷官歸築哭斯堂於里門或怪其  
誕然方其佐郡欲率師勸王居恆慷慨好談天下事

及陷身狴獄志不少挫詩歌多憤懣之詞亦奇士也

冬日送盧山人入桐廬訪孫明府

河梁此爲別風雪入年殘  
況問彭郎渡還歸嚴子灘  
青山空向老江水至今寒  
寄語桐廬宰獨交自古難

寄懷黃逢永久客吳越

江南二月時花發滿繁枝  
故國開將遍遊人多未知  
雲山何處盡歲月自遷移  
莫遣春風裏年年馬首吹

李定夫下憲獄寄之

自分難逃網聞君復禁門  
千金何用俠七尺且酬恩  
末世親知薄時難友誼存  
詰朝誰後死先爲一招魂

哭黃湘淵諸義士

一笑轅門日又昏英雄能有幾人存誰云市井多亡賴自昔  
屠沽肯報恩藏血有時終化碧漆身何處認歸魂餘生漫後  
須與死泣向西風孰可論

錢士升

一首

士升字抑之嘉善人萬歷丙辰第一人及第授修撰  
歷中允南少詹事遷南禮部侍郎召拜禮部尙書兼  
東閣大學士參預機務加太子太保進文淵閣大學  
士以疏忤旨引疾致仕國變後七年卒有賜餘堂集  
十卷

入直詩

深宮衡石論章奏綸閣推敲費論思子夜漏深纔罷直門官

猶報是申時

袁林雜俎嘉靖以來票擬額首換餘旁觀而已萬歷之季疏多留中福清葉向高德清方從哲相繼首換嘗閒坐終日福清日安得票一疏全我體乎天啟間事繁福清及蒲州韓廣間送次輔票一二宜與周延儒始分票計疏若干折以爲常晨入夕出拮据不遑閱例不宿人申刻散班崇禎初遂燃蠟更餘堂吏猶循故事高呼申時錢蹇菴詩子夜漏深才退食門官猶報是申時

劉榮嗣 五首

榮嗣字敬仲曲周人萬歷丙辰進士授戶部主事改吏部歷員外郎中出爲山東參政歷布政使入爲光祿卿遷順天府尹拜戶部侍郎以工部尚書總督河道下獄死有半舫集

盧世淮尊水園集簡齋詩體壯氣和思苦韻獨具有蕭蕭馬鳴悠悠旆揚依依雨雪霏霏之意

列朝詩集散仲為人淹雅讀書好古爲詩用意冲遠  
自謂迥出時流德川盧德水篤好而深解之句銓字  
注以爲獨絕唐人之鑄買島宋人之宗涪州無以過  
也余在請室與敬仲游處踰年敬仲取往復次韻之  
作都爲一集名曰錢劉唱和詩敬仲詩操南音不類  
河北俗父亦可異也  
古夫于亭雜錄曲周劉半舫尙書詩有雅裁題蘭亭  
卷云永和之已逸少以千秋余夙喜誦之以虛  
字損其佳也  
靜志居話尙書銜命治河時駱馬湖潰運道填淤  
乃創挽河之議起宿遷至徐州別築新河分黃水注  
其中以通漕運計二百餘里費金錢五十萬邳州上  
下悉復平迨引黃入波流迅疾衝沙而下往往成淤  
河坎復平迨引黃入波流迅疾衝沙而下往往成淤  
明年艘至駱馬湖潰流適平運丁惟願入加不願由  
新河尙書雖躬督之論以軍法間有入新河者舟輒  
膠於南給事中曹景參上疏特糾落職提問下獄  
論僻獄未解而奉朝野之論以尙書河渠之任本非  
所長皆誤信門客之說用違其才爲可痛惜其後駱  
馬湖復潰舟行新河人頗稱便焉至其詩格卑卑未  
能遠與古人方駕  
田按尙書詩格不登高而憂時傷懷有蕭瑟蘭成之

感

游淨業寺

溪過人人影林閒事事幽  
萍光分酒綠波色與雲浮  
禮設非因我機空亦有鷗  
如何相約久今日始同遊

病中雜詩

種蔬聊學圃斷酒欲爲僧  
抱病官如葉資身杖倚藤  
通宵千里夢四壁一簾燈  
念友增予愧言歸尙未能

寄懷張聖標金吾

誰將空谷寄閒身念子悠悠白髮新  
調羹累年兵愈弱徵輸滿地國方貧  
可能高卧吟梁父仍恐私憂累杞人  
若問近來朋友事依然騎馬踏京塵



憑欄

高樓秋氣正蕭森  
酒憑欄且獨吟  
何處吹簫催暮雨  
有人孤策倚荒林  
癖如米芾差存石  
懶似嵇康併廢琴  
早已投閒吾計得  
入山何必更求深

寄懷聶章羽

惆悵天邊一雁遙  
朔風獨立影蕭蕭  
生平畏事思緘口  
近復貪眠懶折腰  
悔不當年安鄙賤  
卻憐垂老愧漁樵  
歲寒倍憶邱樊好  
羨爾身名共寂寥

彭汝楠二首

汝楠字伯棟莆田人  
萬厯丙辰進士  
除會稽知縣入  
爲禮科給事中累官兵部侍郎贈尙書

蘭陵詩話讓木名列東林疏刻魏瑤中引趙高廐馬  
為論忠賢大志矯制奪職崇禎初起為少司馬以流  
寇猖獗議勦與當國者不合乞歸闕岸圖於南郊中  
有煙鬣閑情依樓蕉聲館刺水居棹聲閣搖碧齋密  
庵玉照臺且止薑湧香廊浮山舫橋園荔徑雲來榭  
見山亭隱花閣寸草庵盡天樨庵諸景董文敏為作  
圖諸名流俱有題咏鑑之珉石幾與輞川爭勝又有  
岸圖花志柯無瑕為寫生極天然之趣優游綠野十  
年先甲申一歲卒其子珙年甫總角朱眉岡攻與  
化時結壯丁為內應斬關納之為山寇王士玉所戕  
黃穀弔以詩云司馬有賢兒功成灑碧血可謂不墜  
家聲矣

賦得春水滿四澤

孤村積雨霽野水漫磯頭蕩漾遊鱗樂澄空遠嶼浮落花迷  
斷岸飛鳥趁輕舟倚檻長吟罷容光灑眼流

寄黃友賓花潭別業

繞坐山迎客過橋水應門潭光邀倦翮林影飲清樽草長迷

花徑沙崩出石痕晚晴催句好農務自村村

謝士章 九首

士章

榜姓陳

字舍之普安衛人萬歷丙辰進士除增城

知縣遷南刑部主事歷員外郎中出為重慶知府累

遷參政有計偕笑玉軒退食軒秋似亭羅浮七星巖

燕臺懶雲郢中巴音等集

田接含之性耽吟事淡於仕進其在增城於衙齋携  
秋似亭取唐人詩秋光有似宦情拂之意自作宦况  
詩云春和看穠事公暇辦詩道懷歸云高亢偏投忌  
疏在已性成松風官舍夢蘿月故園情仙吏環醉  
幽人谷口耕買山儲薄俸已識主恩宏恬靜之意見於  
偶聞鷓鴣馬新移廐自笑蜨蟬又轉九恬靜之意見於  
蛾吟詩有十集莫子思解黔詩紀畧不能舉其名余  
從厥肆購得為之喜而不寐明代黔中詩人以謝君  
采為稱首舍之生於天末不染當時氣習與君采同  
詩品亦在君采之次

宦況

宦海最風塵猶堪宦海濱時令增城地腴禾雨稔天煖氣長春魚蟹饒供饌江山儘媚人歸來雖未賦五斗不知貧

偷閒二首

無端青鬢改未老宦情闌直道艱微祿清名勝大官菊松三徑遠天地一杯寬莫笑陶潛嬾浮雲著眼看

誰容官散誕我以病消閒清俸堪儲藥芳醪可駐顏硯田經歲蕪詩草倩人刪不解移文意孤援嘯北山

宦中思故鄉親友

帶孔頻移鬢欲皤藤床蠶臥病維摩春過二月杯多少官歷三年俸幾何縱藉琴尊消冗俗何如嘯傲寄煙蘿碧雲未閉

桃花洞爲我先栽小綠萼

金陵除夕

賈得屠蘇薦酒卮家人且作客中嬉曹無法律繩嵇懶地有江山縱楚鼎多病長卿猶竊祿食貧陶令又添兒閑愁歲事同除盡領取陽春律管吹

聞鶯

竹樹陰陰水一灣閑門何異住深山青蘿斷隔世情遠白鶴渾如人意閒漉酒近花巾葛潤敲詩過徑屐痕斑不知何處鶯聲好趁我銜杯到耳間

五月報轉比部郎

雨夏霽霽室欲闌杜門書史伴閒官偶聞鶯馬新移廐自咲

蜣螂又轉丸宦套難隨時樣改酒腸仍似舊年寬長翰端合  
滄溟老背負青天何處搏

臨池

練裙堪試筆不若寫黃庭日得雙鵝廩無官亦不貧

春江

晴花臨水發幽鳥逐雲飛閑卻江波綠無人上釣磯

方孔炤一首

孔炤字潛夫桐城人萬歷丙辰進士除嘉定知州改  
福甯入爲兵部員外歷郎中以忤魏忠賢削籍崇禎  
初起尙寶卿以右副都御史巡撫湖廣主勦賊忤楊  
嗣昌繫獄用薦復官督山東軍務命甫下而京師陷

歸隱十餘年卒有中丞集

井中鐵

崇禎末吳門浚井得鄭所南書

連江鐵函書似漆吳門浚井一旦出沈埋一十三萬日羣鬼  
嘶叫風雨溢男兒之血本不死蛟龍盤護千年紙腐栗塲中  
羽變徵咸瀉淚激三江底淚無端江且乾防江不難防心難  
九泥難塞圓通關天使井水澆人間至今首陽釐不生周草  
木此語歌之古今哭

劉鐸一首

鐸字我以廬陵人萬厯丙辰進士授刑部主事歷員  
外郎中出爲揚州知府忤魏忠賢坐大辟死忠賢敗  
贈太僕少卿有來復齋集

橫雲山人史棗鐸為揚州知府有才藻憤魏忠賢亂  
政作詩書情扇有陰霾國事非句偵者得之聞於忠  
賢倪文煥者揚州人也素銜鐸遂嫉忠賢逮治之鐸  
雅善忠賢子良卿事獲解許還故官良卿從容問鐸  
曩錦衣往逮索金幾何曰二千金耳良卿令錦衣還  
之其人怒日夜伺鐸隙言鐸繫獄時與囚方震孺同  
謀居間遂再下獄會鐸家人有夜醺者參將張體乾  
誣鐸咒咀忠賢刑部尙書薛貞坐以大辟忠賢誅貞  
體乾並抵罪鐸贈太僕少卿

馬當大風

倒峽羣龍鬬騰空萬馬嘶江神太無賴索我篋中詩

方大任一首

大任字玉成一字逢吉桐城人萬厯丙辰進士除元

城知縣擢廣西道御史以忤魏忠賢削籍崇禎初起

官遷右僉都御史巡撫山海關進右副都御史巡撫



順天有霞起樓詩草

送靈岳上人之九華

吾聞九華勝九十九芙蓉問爾從今去高眠第幾峯泉聲清  
萬慮雲影伴孤蹤應念迷津客風塵事事慵

陳熙昌

一首

熙昌字當時南海人萬厯丙辰進士除平湖知縣擢  
吏科給事中以劾魏忠賢削籍崇禎初復官贈太常  
少卿

東湖雜詩

乍浦瀛壖曲遙連蘆漚場迎船桑葉綠繫纜菜花黃塔影開  
初地鐘聲落上方孤城非鐵甕先事慎隄防

靜志居詩話作浦孤城如彈丸倭寇入犯之衝經國  
者不置重兵於其地綢繆戶牖之謂何陳公作宰在  
太平之日先有隱憂矣余嘗過其地登湯山山舊有  
塔寺僧持疏募重建余極語縣令已之蓋洋船望見  
塔易指點入口之路不可不深慮也

### 吳尙默

一首

尙默字以時涇人萬厯丙辰進士除義烏知縣擢御  
史進太僕少卿謫承天知府遷湖廣副使歷按察使  
進布政使有秋水居集

### 白帝城

孤城三峽口古廟野蒿中赤甲連雲白瞿唐浴日紅金湯夔  
國固壁壘漢時雄憑弔猿聲裏遙天杳斷鴻

### 魏浣初

一首

浣初字仲雪常熟人萬歷丙辰進士累官廣東參政  
馮舒懷舊集仲雪少爲詩喜袁中郎晚好楊義仍余竊笑之君因自秘不以示余每謂人曰若家詩法與我異愧不得當也晚而讀白傅集頗得其意

不如還獨坐擬白

新詠從今歇陳篇莫更刪縱饒凌鮑謝曾不救飢寒驅使愁  
花鳥雕鐫苦肺肝不如還獨坐枯伴蠹魚殘

林枝橋 一首

枝橋字陽仲新會人萬歷丙辰進士除當塗知縣徵  
授禮部主事改吏部歷員外郎中以忤魏忠賢奪職  
崇禎初起故官出爲湖廣參議進福建副使以事謫  
官起貴州參政進按察使有白鶴山房集

病起

壁上枯桐久不彈  
青山蕭瑟水空濶  
欲尋個裏荒寒意  
只在  
稀微秋樹間

孫朝肅

一首

朝肅字恭甫一字功甫常熟人萬歷丙辰進士除刑  
部主事累官廣東布政使

張良

子房似好學報讐何激烈千金買力士誤推副車折託術雖  
或疏秦政膽已裂人生貴立志立志在明節漸離筑中鉛荆  
卿七首血成敗不足論肝腸朗於雪

黃聖年

三首

聖年字逢永番禺人萬厯戊午舉人除當陽教諭

田按逢永自號大藥山人詩特清婉

秋

忽覺空階下涼颺到葉聲似乘殘雨入時喚一蟲鳴楚曲青  
蘭怨吳衫白些輕所思千萬里蕭颯最關情

賦得秋閨月和家兄

長安一片月飛向畫樓前影共寒衣薄愁將破鏡懸淒淒看  
枕簟明白夢關邊莫是征夫苦秋風急上弦

答子明人日作

幾夜青陽雨都霑紫陌塵最憐春作客空惜日爲人漂泊曾  
誰問鶯花只自親今朝落梅處定有翠眉顰

沈德符

六首

德符字虎臣一字景倩秀水人萬厯戊午舉人有清

權堂集

列朝詩集自王李之學盛行吳越間學者拾其殘瀝  
相戒不讀唐以後書而景倩獨近搜博覽其於兩宋  
以來史乘別集故家舊事往往能數陳其本末疏通  
其端緒家世仕宦習聞國家故事且及見嘉靖以來  
名人獻老講求掌故網羅放失將勒成一家之言以  
上史館惜其有志而未逮也

靜志居詩話孝廉稟生異質日讀一寸書所撰萬厯  
野獲編事有左證論無偏黨明代野史未有過焉者  
其詩甯取公安竟陵欲盡反厯下邳邵之弊故多豔  
字側辭雪颯星碎未免病於才多也

田按景倩有與譚友夏夜話詩云子幼習楚人中道  
得伯敬示我立書稿序者曰譚柄抗論卑時賢齒少  
氣獨橫最賦傍門人位置須堅定後還真大雅必斥  
偽先正斯語吾堪師一笑歲寒訂二子世楷僕藝林  
作司命厯下與瑯琊一朝廢不競蚤逝悲鍾期朱絃  
絕高聽之子獨雄視萬夫稟號令其傾倒鍾譚如此

惟其早歲博綜漁獵詞藻與鍾譚之專尚枯槁鏤刻  
肝腎者微別余戲謂清權堂稿一編著色竟陵詩也

### 穀雨日抵家

襯日魚鱗水烘人卵色天久晴貪穀雨新火活茶煙夜讀偕  
兒塾春耕老墓田浪游頻計左益悟杜門賢

### 杪秋閱稼

孤學違時路每窮敢因智叟笑愚公生天孟顓元難佛早世  
終軍未免童老去計應依馬磨寒來辭又祝牛宮農場新滌  
漁菴舊匡坐斜陽說歲功

### 天啟宮詞四首

保姆天家自不貧酬勞偏罄累朝珍也知漢武非英主回顧  
猶勞郭舍人

衣冠上道盡纍囚。麗景門中例見收。龍比已知非俊物。何妨  
一日付來侯。

萬方輻輳助雕甍。觀闕巍然壯帝京。趙鬼不須重誦賦。柏梁  
未燼建章營。

六宮拔淚但吞聲。後命何須罪有名。鉤弋競傳尸解去。聖人  
依舊戲昆明。

李衡二首

衡字虎門。章邱人。少卿。開先孫。萬厯戊午。舉人有虎  
門遺詩。

春日衛忠門過訪山莊

與客花林坐。夕暉春殘花事未全非。垂楊隔澗傳鶯語。野菜



成叢引蜨飛取醉何妨村酒薄嘗新剩喜子魚肥一邱一壑誰營得落魄鷄山老布衣

同金丈六侯夷門劉羽可飲元明西村偶以事先歸卽景有作

山頂微微見雨痕半山隱隱溼雲根秋虹去地無數尺落日穿林凡幾村醉共眠時松下榻笑相別處竹間門閒園四壁秋燈影還照疏花落酒尊

徐人玉 一首

人玉字玉如莆田人萬歷戊午舉人官兗州同知

初秋卽景

幽徑寂無塵花覆青苔上一夕涼颼生瀟瀟蕉雨響

袁崇煥一首

崇煥字元素東莞人萬厯己未進士除邵武知縣擢  
兵部主事超擢僉事監關外軍授甯前兵備道進副  
使再進參政按察使擢右僉都御史巡撫遼東進兵  
部侍郎乞歸起右都御史視兵部添注左侍郎事進  
兵部尙書兼右副都御史督師薊遼加太子大保坐  
法死

田按思陵多疑果於殺戮元素之誅所謂自壞長城也明之不振有以夫

南還別陳翼所總戎

慷慨同仇日閒關百戰時功高明主眷心苦後人知麋鹿還  
山便麒麟繪閣宜去留都莫訝秋草正離離

丁乾學一首

乾學字天行宛平人萬厯己未進士改庶吉士授檢討以忤閹奪官崇禎初贈侍讀學士有擁膝齋集比樂堂稿

閨怨

盧姬何事最縈懷人去遼西不易回獨倚小樓弄長笛聲聲吹出玉關來

高道素一首

道素初名斗光字明水一字如晦更字玄期嘉興人萬厯己未進士除工部主事歷員外郎中以督造桂府殿傾論死有景玄堂詩集

靜志居詩話水部才思兼人，不以格律自拘。古今詩皆超詣五律，尤爲長城。當桂藩分建奉命將作南方卑溼，薄櫨甫新，大瑞亟事丹墜，水部力爭，不得旣而雷震柱傾，吏議周內遂罹顯戮，聞者冤之。

### 湘江道中寄內

輕帆短楫，泝煙波疊渚，迴洲奈遠。何一路客程吟裏，見十分秋色。病中過江，通溪水晴偏綠。山入湘雲晚，更多何處思鄉。腸欲斷，楚妃祠下聽吳歌。

### 吳麟瑞一首

麟瑞字思玉，海鹽人。萬曆己未進士，除常州推官，徵授南禮部主事，改吏部，歷員外郎，中出爲湖廣參政，歷江西副使，按察使，布政使，以右僉都御史巡撫偏沅，有哀鴻秋蟬等集。

宿弘覺寺

晝登白雲梯夜就雲中宿歸雲隨孤僧冉冉入岩谷江月遲  
未上清譚屢呼燭一枕足幽夢滴露響秋竹

姚希孟 二首

希孟字孟長長洲人萬厯己未進士改庶吉士授檢討忤璫被論削籍崇禎初起贊善厯庶子進詹事以忤溫體仁降少詹事掌南翰林院有公槐響玉棘門沆瀣秋旻文遠循滄丹黃薇天松癭伽陵風吟等集

黃道周漳浦集嘉靖初年議臣鵲起文章之道散於曹僚王弼洲李厯下爲之歸墟萬厯初年閭臣鵲起文章之道復歸詞林李大泌姚吳門爲之歸墟先後數十載間軌軌相差而堂室一致予不及事大泌雅交於吳門天下所爲霞起雲蒸嶽舉海騎文行宗表無有先於吳門者矣先生安步措辭宏聲亮實韓蒲

講筵口號二首

州見之而有王佐之稱劉南昌因之而有人龍之歎  
何香山几几以遜齊年文湛持陶陶而要永夕至其  
位不及於文何年不登於王李麟襲鳳傷天下共歎  
政頑兩朝遺詩先生詩春容雅麗有館閣風度  
靜志居詩話逆案將定思陵發建祠稱頌諸疏中命  
內閣詳閱限以數日確議來奏輔臣難之求助於文  
毅文毅中夜不寐周步堂中其客周生進而問公公  
語之故生曰某於七年中逆知魏客之必敗以詔附  
諸臣分別其罪自謂無遁情公取而權衡之可乎公  
覽之擊節稱善次日進於輔臣皆以爲當據之入奏  
生吳江人或曰秀才永年安期或曰永年之弟永言  
安仁也爰書既定天下咸服凌遲處死者二人擬斬  
者二十五人充軍者十一人贖徒一百三十一人冠  
帶閒住者四十四人雖有漏網然吞舟之魚鮮矣

正字班隨綈几旁濃瀟湘管辨鍾王而今宸翰無勞正只請  
綸扉進講章

俯躬翔步馨便旋憑几探書送御前手把牙籤分句讀不知

身在五雲邊

雷躍龍一首

躍龍字伯麟新興州人萬厯己未進士累官禮部尙書

玉溪雜興

一望蒹蒲楊柳萬家煙雨樓臺江南何處相近桃葉渡口歸來

明詩紀事

貴陽陳田輯

庚籤

張懋忠 二十首

懋忠字聖標一字念堂肥鄉人以廕敘錦衣衛官中  
萬厯己丑武進士累官都督有元聲式道城陰河東  
疾除樸石旅食庚草雪談索米艾變北道交變益睡  
放言楚音皇仁存柳等集

方震孺報恩錄張念堂都督余舞象時從朱汝修扇  
頭見其送李小侯詩中有海畔春雲溼畫旗之句以  
爲七子中人也頃乃於獄中識面奇絕  
田按聖標爲大司馬學顏文孫以廕敘錦衣衛起家  
旋中武進士儒雅好文與俞羨長梅禹金楊伯翼輩  
往還天啟中魏忠賢矯旨杖工部郎萬鼎聖標監杖



羣閣蹴踏燦聖標止之曰留人受杖以是忤忠賢曷  
撫拾他事下聖標於獄崇禎初得釋聖標詩學少陵  
五言清挺明武將稱詩者郭登張元凱外得聖標而  
三選家多未採錄余得聖標客乘二十八卷亟登之

張良

吾子任國讐蕩產如棄屣盛氣試狙擊授圯乃長跪功成非  
本志託辭不强仕令譽上雲衢布衣誠足矣

王通

五湖雲擾後云誰究絕學仲淹負道資識力一何卓祇多干  
時策議者半純駁中說擬宣尼濁世此先覺

司馬光

溫公振正學一洗熙豐弊出民水火中庶乎臻康濟未能竟  
厥施遐邇爲雪涕小人如蔓草因春上堦砌

柳宗元

可愛柳柳州構思最清核一語不輕措烺烺光簡冊韓質而  
柳文柳蹶而韓適三復龍城篇依附慎所擇

火酋寇臨洮襲殺裨將李聯芳單警報狎至

欲語秋陲事洮州不忍聞淒風吹斷角殘燒斂斜曛白馬安  
西將朱旗太乙軍封侯何足齒戰死卽殊勛

送王岡伯

長安花爛漫彩筆不勝酬奕世青緇富禪心白社投雲霄懸  
仕版雨雪命仙舟春日山園卧王珣業虎邱

懷叔氏靈長時卧病里中

一訊平干使憂心急暮春分攜朱序變阻絕白雲重消渴同

司馬相關有仲容月林清不寐意外入晨鐘

再懷叔氏

豁達如君少悠悠卧湓南誅茅更蔣詡苦思一椀譚雁字雲空白霜楓日就酣夜眠頻起坐情極好誰堪

歸客

蕭蕭遠歸客攘攘暮秋情骨肉相將便河山歷覽明路長宵始食鄉近雨還行看取岩棲穩能無忤此生

贈趙藩蘇右史

家世雄曹漢將公個儒聞

右史贊長及腹自稱儒髯

恩波吳季重辭藻沈

休文貧更延賓客閒宜嗜典墳勝遊過帝子銅雀繪春雲

右史

善丹青

雨

磴折孤亭出村迴碧澗交弱雲常在壁狂燕不歸巢晴望頻  
虛擬秋懷未易拋緘書驚候雁天遠念同胞

送唐祈遠孝廉

春黯花無幸邊沙日日風客情當送遠時事只書空快泛春  
江綠驚傳塞火紅安危言路重迴首念乘驄

祈遠美承  
先生仲子

嘉陽謁恆嶽廟同戴使君

蕭颯秋風大陸哀使君同病且徘徊側身迢遞王程遠刺眼  
青愁嶽色來護石雲霞更旦暮集靈宮闕鬱崔巍何時北谷  
重搔首恆水盈盈杖底迴

白溝河

浩浩清沙散夕暉孤舟欲渡界河微無端烽火論前代滿目  
燕雲指近畿玉座天南終自遠翠華漠北竟難歸不堪細數  
康炎事雪涕縱橫塞草腓

閨辭

久客何心挈酒壺深山六月長蘼蕪遙迤閣道開三晉次第  
朋簪問五湖晴際晚峯雲日逗雨餘新水郭門孤年來留滯  
侵蓬鬢落落平生愧遠圖

沈廷玉招飲新第

城隅隙地起重臺臺上丹樓逼漢開愛客壺觴分日至應時  
花石蔽江來賦歸自覺趨朝懶選勝人傳賄墅迴明發相思  
在何處大河秋色雁鴻哀

聞笛

山椒返照入雲黃一片愁心古戍旁  
橫笛莫吹楊柳曲只今戎馬暗西羌

容舸三首

款乃初聞病半消  
雲林東下莽蕭蕭  
月斜人散蒹葭冷  
夢在平干第五橋

穆家口西煙水鄉  
柳眉蘆艇接微茫  
欄川遮莫詩如畫  
古斷漁村不姓王

吳歛初歇發齊謳  
野月西沈入柁樓  
輕撥琵琶四絃急  
不知誰是白江州

劉綖一首

挺字省吾南昌人用廕爲指揮使遷雲南迤東守備  
進遊擊將軍以平緬功擢副總兵兵謫謫遊擊遷廣  
西參將移四川擢總兵以事降副總兵尋充禦倭總  
兵官進都督同知改四川錄平播功進左都督召爲  
左府僉書與杜松李如柏馬林四路出師兵敗戰死  
天啟初贈少保

師駐虎牢

東逐西馳歲月深凱旋駐馬漫開襟三巴戰過龍泉出六月  
烽煙雁字沈關塞自憐餘白髮廟堂誰爲暴丹心良弓烏盡  
應無用緩整漁竿釣海濱

鄧子龍二首

子龍字武橋豐城人應募累功授廣東把總遷銅鼓  
石守備歷浙江都司擢參將進副總兵尋被劾歸朝  
鮮用師起原官戰死贈都督僉事有橫戈集一卷

王士禛皇華紀聞子龍隆萬間名將援朝鮮戰死平生善書喜吟咏可與戚繼光陳第並傳

### 登飛山

南來倚劍上岩巔滿眼烽煙坐裏消西望六百八十穴我欲  
一掃歸天朝

### 金雞橋

短甲輕兵入武鄉西風吹首鐵衣涼大幽山下無情水笑問  
金雞舊戰場

### 喬一琦

一首



一琦字伯圭上海人萬厯癸酉武舉人以薦授遼東  
廣甯衛守備進鎮江遊擊隸都督劉綎軍兵敗沒崖  
死天啟初贈都督僉事

松風餘韻伯圭天才絕世於書無所不窺所爲詩賦  
古文詞皆警奇超軼尤長書法多龍蛇飛動之勢

長干行

聞說瞿塘水風濤八月多郎舟歸未得音信近如何

張可大一首

可大字觀甫其先孝感人世襲南京羽林左衛千戶  
中萬厯辛丑武進士授建昌守備厯浙江都司劉河  
遊擊遷廣東高肇參將改浙江舟山加副總兵擢都  
督僉事僉書南京右府事出爲登萊總兵官以勤王

功進都督同知再進右都督孔有德兵變登州城陷  
投繯死贈特進榮祿大夫太子少傅諡莊節有真州  
婁江電白舟山白下牟子駿雪齋等集

平水閘碑銘

有序

舟山水閘傾圯久矣余於丁巳歲捐俸而新之數載  
以來土膏滋而斥鹵變洪濤抑而魚鼈甯萬頃皆同  
一方底定民享樂成式歌且舞用紀成事系之以銘  
奕奕舟山東海之陽溝洫弗治同於漏觴我思古人能化瀉  
鹵趙國在前白渠繼武爰出橐金厥工鳩只旣築旣堅如墉  
如砥蓬萊之野安期之鄉原田膺膺流水湯湯彼硯有時繕  
修勿替託管陳詞敢告津吏

杜文煥

五首

文煥字叔武延安衛人原籍崑山由廕敘歷延綏遊擊將軍累進參將副總兵擢延綏總兵官坐罪戍邊起甯夏總兵官改鎮甯遠進右都督特命提督山陝臨甯總兵勦撫流寇坐罪下獄用薦起故官尋謝歸闖賊逼畿輔加太子太保統兵入援福王立南都以原官僉書中府提督京城捕務進少保少師兼太子太師國變後歸原籍崑山卒有太霞洞集三十二卷

聚林雜俎宜與再召都督杜文煥日章趨其家告曰相國問命例疏辭而今事亟寇敵交訐勢不兩顧其關繫在松山之師稍有蹉跌大事去矣相國疏辭卽宜附密奏撤師松山回守關門蓄力併銳猶可支也若待相國入朝而圖之度紆程三四月則松山隳矣

關門豈能獨禦哉上待相國厚言之必聽幸速爲計

宜興漫應之殊不置意及入朝東師果潰而九塞之  
精銳盡矣都督以語吳駭公深用追歎曰章博通經  
史二氏善五七言律  
田按萬歷中葉以後專閫將帥以能詩名者有杜文  
煥蕭如薰史稱隆慶後款市既成烽燧少警輦下視  
鎮帥為外府山人雜流乞朝士尺牘往者無不歷所  
欲薊鎮戚繼光有能詩名尤好延文士傾貲結納取  
足軍府如薰亦能詩士趨之若鶩賓座常滿妻楊氏  
繼妻南氏皆貴家女至脫簪珥所供客猶不給軍中  
苦之如薰其能卻也一時風會所尚諸邊物力為耗  
識者歎焉文煥詩尚初唐其字初唐詩云約句準編  
燦如綺繡發音揚韻妙合宮商此文章之變曆詩道  
之妙端也大體洞集五言近體頗有藻韻時與薛干  
何无咎俞諫長林茂之諸人倡和不如蕭之好事  
也蕭有杞子珊瑚顆蘭山翡翠峯之句為人傳誦附  
見於此

### 和陳守相元夜之作

銅鑪不警夜寶馬競嬉遊鼓角驕胡舞笙簧豔越謳尊傾千  
日酒燈簇萬星毬藉甚昇平樂鼉峯曉未收

明妃祠

好事者誰子明妃亦有祠  
玉顏如昔否青塚至今疑  
只合誅婁敬何須殺畫師  
啁啾林雀啁如和道中詞

過天甯寺訪朗公禪師步望之韻

結侶參禪榻聞師轉法華  
金輪迴地軸碧落散天花  
樹古推僧臘燈明續慧霞  
機鋒方妙合莫訝夕陽斜

再登虎邱慈公留悟石軒酌新茗

重遊虎邱寺步步踏林花  
鐘梵香雲地旗槍穀雨茶  
禪心參白石輒語接丹霞  
簫鼓催人劇紅塵去路賒

毛女峯

秦皇空好道白首未通玄  
毛女緣何事紅顏便得仙

安國賢一首

國賢字藝卿福州左衛應襲指揮使有穀音白雪二

集

送徐興公之金陵

江皋草色別魂銷才子南征訪六朝河上遊人青雀舫樓頭  
歌妓紫鸞簫交遊到處多相識文藻同聲總可招臨發不堪  
懷舊侶故園松菊待逍遙

邱坦一首

坦字長孺麻城人萬曆中武進士官參將有度遊集  
楚邱集南北遊草

無題

亂山深處且停驂  
村酒雖渾亦共酣  
日落棠梨花樹下  
一聲布穀似江南